



Андижон лафзи асли Андигон бўлса керак. Бу Форсистондан кўшулгондур. Чунончи, «бандигон» ёки «мардигон» дегандек, форсийда «гон» — «лар» ўрнида, «мардлар» ёки «озодагон» - «озодалар» деган сўздек, «Андигон» - «андилар» деган сўз. «Анд» турк уругини(нг) ўзбекларини айтур. Бул хам форсийлар тарафидин айтилгон бўлиб, асли Андижон форсийлар, яъни эронийлар кулига ўтмасдан аввал хам бор эди. Чунончи, тарихи «Кутадгу билик»да ёзибдурки, Ўгузхоннинг Хиндустонга юргонининг зикрида айтур. Ўгузхон тамоми лашкари мўгуллар илан Талас ва Сарём келди. Тошканд ва Самарканд ва Бухоро подшоҳлари саф тортиб уруша билмайдилар. Улуг шахар ва маҳкам калъаларга беркиндилар. Ўгузхон Тошканд ва Сарёмни ўзи камаб олди. Туркистон ва Андижонга ўғлонларини юборди. Онлар 6 ойда Туркистон бирлан Андижонни олуб, атоси хизматига келдилар, дейдур. Яъни Ўгузхон замонида хам Андижон шахар экан. Бу исм ила машхур экан. Ўгузхон Бўкухонни(нг) саккизинчи бобосидур. Яъни Бўкухон Афросиёбни(нг) мўгулча исмидир. Афросиёб лакаби фарран осие деган сўздур. Фаргонани Афросиёб бино килди. Фаргонадан аввал Кубо бино бўлди, Кубодни(нг) вақтида. Аммоки Андижонни(нг) кайси подшоҳни(нг) биноти эканлигига мўътамад тарих ва маълумотимиз бўлмагандан бул тарихларга иктифо килинди.

Тарихи «Кутадгу»дан мустафод бўлурки, Андижон тўрт минг йилдан мукаддам, яъни Ўгузхон вақтида шахар бўдса андан аввал хам ободон шахар экан. Ўгузхон хазрати Нух алайхиссаломни(нг) тўккузунчи ўғилларидур. Валхосилки, Андижон Фаргона шахарлари ичинда энг аввалги ва қадимийдур. Андин Афросиёб вақтига келганда, Афросиёб Турон подшоҳи бўлиб, Андижонни пойтахт килиб, Кўникдар шахридин гоҳо Тошканд ва Андижон келур экан. Аммоки, афвоҳи носда қариялар сўзидурки, Андижон асли Одинажондур. Одинажон Афросиёбни(нг) кизидурки, анга ўрда ва бог бино килиб бериб, ани(нг) исмига тасмия килиб эди. Одинажонни тилда бузуб, ағлоти авом ила Андижон килган, дейдурлар. Бар хар боб бир эски шахар бўлуб, неча мартаба бузулуб, яна обод бўлуб, табодули замон ва инкилоби овон илан тузалуб, бузулуб, обод бўлган эски шахардур. Аммоки, «Тарихи фаришта»да ёзилибдур-ки, Умаршайх ўғли Бобурхон Андижонга саккиз юз тўксон тўккузунчи хижрийда ўн икки ёшида подшоҳ бўлди. Тарихи валодатига шул тарика назм килибдур. Назм:

Андар шаши мухаррам, зод он шахи мукаррам, Тарихи мавлидаш хам омад «шаши мухаррам»<sup>1</sup>.

Аммоки, Умаршайх Мирзо душанба куни 14-мухаррам рамазонда 899 хижрийда кабутархона томидан йикилиб мархум ўлдилар. Бобур Мирзо баиттифоки умаро подшоҳ бўлди. Ул вақтда Аҳси подшоҳи Узун Хасан подшоҳ эди. Аммо Фарғонада Хасан Яъқуб подшоҳ эди, дейдур.

1030 хижрийдаги зилзилада Аҳсикент бузулган. Зилзилада Андижон ҳам бузулган эди. Яна андин буён Русия тасарруфига ўтгандан сўнг тезроқ ободликка кадам қўйган эдики, 1316 хижрийда бўлган зилзила хаммани(нг) маълумидур. Анда яна зилзила бўлуб, бузулуб, ҳукуматдан имдодлар бўлиб, аввалгидан неча даража обод бўлган. Мундан аввалги ободликни билмак бўлган киши «Бобурнома» тарихини кўрса бўлур.

Ерларини(нг) ҳосилдорлиги, саноатлари хаммаси Фарғона бобида ёзилиб ўтди, такрорга ҳожат қўрулмади. Бинобарин, сўзимиз татвил этмай, каноат этдук.

Исхок тўра ИБРАТ, "Тарихи Фарғона"